



姓韻卷七

成威張

澍纂



上平聲

四支

支 見姓苑路史

高士傳堯舜各以天下讓支父按莊子作堯以天下讓子
州支父舜以天下讓子州支伯宜是二人

戰國策魏安釐王時有支期

華陽國志李固之州先友其賢者零陵支宣雅

上元寶經裴君受支子元服食茯苓之法又受支子元胡麻之法

晉書沙門支道字道林天竺人性愛鷹又好駿馬

前趙錄劉曜都水使者支當諫曜曜醜殺之按當一作富後趙錄石勒有中壘將軍司徒支雄領門臣祭酒專主胡人詞訟禁胡人不得凌侮衣冠華族十八騎中有支屈六石遵將軍支重為晉所獲

後燕錄燕軍至參合陂有大風黑氣如堤自後軍來臨覆軍上沙門支曇猛言于寶曰風氣暴迅魏兵將至之候宜

遣兵禦寶笑而不應

齊書北地民支酉起兵于長安城北石山遣使告梁州刺

史陰智伯

稽神錄江左支戩餘干人世為小吏至戩獨好學為文竊自稱秀才會正月望時俗取飯箕衣之衣服揀著為嘴使畫盤粉以下戩見家人為之即戲祝曰請卜支秀才他日至何官乃畫粉宛成司空字又戩常夢入地府閱已名籍云至司空年五十後果驗

錄異記孝子支漸資陽人年七十持母喪白蛇青狸擾其

旁皓烏矚雀集于壠

圖畫見聞志支仲元鳳翔人工畫人物有老子戒徐甲蕭翼賺蘭亭高山四皓等圖傳于世

唐書孝友傳支叔才定州人隨末荒饑母為賊執告以情解之母止廬墓白雉止廬傍高宗表其家

唐書支祥為感化軍節度使黃巢亂京師遣牙將時溥與

陳璠率兵西討按祥通鑑作詳盧耽使太僕卿支詳為宣

諭通和使僖宗時李克用段文楚使司農卿支詳為大同軍宣慰使

氏族畧蘇州吳興支詠寶祐進士支允文太平興國登科

四川志元支渭興官四川行省參政善屬文別號龍溪

氏姓謹支夔聞喜人成化進士支立字中夫嘉興人與羅

一峯善深于經學號支五經支大綸字心易嘉善人萬曆

甲戌進士知奉新縣明敏有才畧

明史支可大崑山人字有功萬曆甲戌進士累官湖廣巡

撫征播之役功最大

支離氏見成亨英疏

莊子支離益善屠龍朱泚漫從之學

又云支離叔與滑介叔觀于冥伯之丘崑崙之虛黃帝之所休俄而柳生其左肘意蹙蹙然惡之支離叔曰子惡之乎滑介叔曰亡予何惡生者假借也假之而生生者塵垢也死生爲晝夜且吾與子觀化而化及我我又何惡焉又云支離疏者頤隱于齊肩高于頂會撮指天五管在上兩髀爲脇挫鍼治解足以餬口鼓英播精足以食十人上微或士則支離攘臂于其間上有大役則支離以有常疾不受功上與疾者粟則受三鍾與十束薪又云闔跂與支離無朕說衛靈公靈公悅之

支父氏此姓諸書無今補

列仙傳魏人尉繚與燕人文擊同授支父風真人學兵法
枝 見姓苑氏族畧路史

漢高陽令楊著碑陰有河東枝彥光

枝如氏見姓纂

左昭十三年傳平王新立使枝如子弓聘于鄭且致犂櫟之田事畢弗致鄭人請曰聞諸道路將命寡君以犂櫟敢請命對曰臣未聞命既復王聞犂櫟降服而對曰臣過失命未之致也王執其手曰子母勤姑歸不穀有事其告子

也

移 見風俗通

風俗通漢有弘農太守移良按移良即承宦官旨停揚震
棺于道側者

遷安縣志移善遷安人宣德中順天府照磨

隨書帝以吐谷渾高寧王移茲哀為河南王使統降眾

移門氏此姓諸書無今補

抱樸子仙藥篇移門子服食五味子十六年色如玉女入
水不濡入火不灼又移門子記鬼兵法立止術練形記五

卷

移力氏此姓諸書無今補

唐書默啜遣大酋移力貪汗獻馬千匹謝許婚

為 見風俗通

風俗通漢有南郡太守為昆桀華陽國志李固奏免南郡
太守為昆即此人也

十六國春秋後趙始平人為勛自稱將軍桀辯證引世本云
晉始平人為勉自稱將軍大姓

媽 見世本史記陳杞世家說文路史

史記成王求舜後得媯滿封陳

漢書王莽封媯昌為始睦侯奉虞帝後

廿一史四註周媯庚謚靖侯庚曾孫順謚聖侯

謝承後漢書尚書郎媯皓字元起餘杭人父昆為南郡太守坐事繫獄皓懷小石至公卿門輒出石叩頭流血被面父繫得免母至婿家醉歐吐皓恐食毒伏地嘗吐仰曰吐寒耳非毒也母灸發膿皓吮而愈之有才畧明達國典丹陽督竇武薦于朝皓後改為姚氏按皓為竇武所薦見武傳亦見蕭廣濟孝子傳

廣韻文士傳有媯覽亦見吳志為丹陽督將按吳麻云媯覽戴員親近邊鴻數為孫翊所困後因會邊鴻殺翊翊妻徐氏購募追捕乃得覽員歸罪殺鴻覽入居軍府取翊嬪妾欲復取徐徐偽許伏翊帳下徐元孫高傳嬰等殺覽及員也

北史高祖孝文皇帝求舜後獲東萊郡民媯苟之復其家畢世以章盛德之不朽

唐書李愬山河十將媯雅下治爐城雅昇田智榮又破西平

隨 見姓纂氏族畧路史

國語晉侯使隨會聘于周韋注隨會晉正卿士蔦之孫成伯之子士季成子也左傳謂之隨季

列子隨梧之死楊朱撫其尸而哭注生不幸而死故可哀也

風俗通漢有博士隨何後漢有扶風隨蕃按史記天下定上置酒折隨何之功謂何腐儒何曰陛下引兵攻彭城楚王未去齊也陛下發步卒五萬人騎五千能取淮南乎上曰不能何曰陛下使何與二十人使淮南至如陛下之意

是何之功賢于步卒五萬騎五千也上曰吾方圖子之功乃以何為護軍中尉

史記匈奴傳有詔捕太醫令隨但言貳師將軍家室族滅使廣利得降匈奴

蘇竟傳光武使偏將軍隨弟定代郡注隨姓弟名弟晉悌吳志會稽東冶賊隨春呂岱討擊之降

後趙錄石虎太子宣將宋保殺晉將隨相五人

褚遂良鬼冢記司馬遷之妻隨清娛趙之平原人天帝憐其無辜命為司書

按唐有太學助教隨德素見長孫無忌進五經文字序表
通州志隨興祖通州人紹興進士官通州牧
氏族畧隨可儀撫州軍事判官

山東志隨清安丘人永樂舉人隨承業魚臺人嘉靖己未
進士由泰興知縣累官按察司僉事

題名錄隨府山西人嘉靖進士按甘肅志隨府山東魚臺
人明時任寧夏河東道非山西人也

隨巢氏此姓諸書無今補

漢藝文志隨巢子六篇注墨翟弟子

隨巢子執無鬼曰越蘭問隨巢子曰鬼神之智何如聖也
越蘭曰治亂由人何謂鬼神和隨巢子曰聖人生于天下
未有所資鬼神爲四時八節以化育之乘雲雨潤澤以繁
長之皆鬼神所爲也豈不賢于聖人按墨子尚鬼隨巢子
爲墨翟弟子故其言如此

隋

漢書盧芳傳隋昱五原人光武初起兵後降拜五原太守
封鐫胡侯昱弟憲或進侯按昱與李興朔方人田颯代郡
人石鮪閔堪各起兵自稱將軍郭伋傳盧芳將隋昱謀脅

芳降伋芳止入匈奴劉攽曰案隋字至隋時方去走單作
隋今此宜作隨

新唐書志隋德素與長孫無忌褚遂良等共刊定尚書按
一作隨

山東志隋竇萊陽人宋太宗時為萊陽節度判官改高密
令有能名第四子世昌涉經史善騎射仕元前後數百戰
徧體皆金瘡仕至安遠大將軍謚忠勇隋贊字從禮栖霞
人洪武中任曹縣丞升知縣有異政隋翥栖霞人正統間
任主簿勸民植桑除虎害

題名錄隋所居諸城人萬麻丁未進士隋銓壽光縣人康
熙甲戌進士隋人鵬萊陽縣人雍正丁未進士

奇
見姓苑路史

符子禹讓天下于奇子奇子曰君言佐舜勞矣鑿山川通
河漢首無髮股無毛故舜也以勞報子我生而逸不能為
君之勞矣按高士傳禹時有奇封子禹讓以天下不受又
一作岐封子

魏書揚州刺史遣長風戌主奇道顯入寇取陰山白藁二
戌按田益宗傳益宗命子魯生與戌主奇道顯迎擊楊僧

遠破之

北齊書張景仁以善書封王其妻姓奇莫知氏族所出容
制音辭事事庸俚

氏族畧宋登科有奇軼代州人

元史順帝妃奇氏后妃傳第三皇后奇氏素有寵居興聖
西宮按周憲王元宮詞云奇氏家住鴨綠東成年纔得位
中宮翰林昨日新裁詔三代蒙恩壽祿崇又云君王若向
奇妃問何似涼州答刺蘇

高麗傳樞密副使奇蘊奉表告王植薨

氏姓謚奇景中零陵人洪武舉人

奇斤氏見魏官氏志路史

歧

見陳留風俗傳

帝王世紀黃帝臣歧伯嘗味草木興主醫病經方本草素
問之書咸出焉按史記集解歧伯黃帝太醫也

呂氏春秋夏桀臣歧踵戎按歧一作歧盖歧踵國戎來賓
因留用之

三輔決錄注馬融為南郡太守受主記掾歧肅錢四十萬
太尉陳球碑陰有故吏歧周子然

楊震碑陰有魏郡歧伯犀

邵陽令曹全碑陰有處士河東皮氏歧茂字孝才

華陽國志晉歧苞南郡人任繇竹令辛冉託罪于苞斬之
按氏族畧誤以爲唐人

晉書楚王瑋舍人歧盛與長史公孫宏有寵于瑋勸瑋自
暱于賈后盛素善于楊駿衛瓘惡其反復將收之盛與宏
謀矯稱瑋命譖亮瓘于賈后云將謀廢立

高道傳有歧暉

東魏大統歧法起造像記有佛弟子歧禪和歧法起歧黑

仁歧薩保

隨圖經歧安冢在魏陵東三里安死後鬼每語其子逸曰
吾冢近成帝陵見攻伐爲吾辭逸等即以碑碣勒石謝乃
止

唐書段秀實判官歧靈岳謀殺朱泚迎乘輿不克被害
唐宗聖觀碑有觀主歧平定精金格之書完玉笈之文
文苑英華唐歧敬忠有對主司筭探麗窺鄰判

氏族畧唐萬福府統軍歧才慶州人宋歧賁端拱進士
山西志元歧裕齋解州人逸其各隱居不仕以學行稱歧

祖訓洪武中以賢良方正舉官右都御史歧廷訓洪武中
舉孝廉方正政亨洪武中任右副都御史歧政宣德中任
給事中歧崙宣德中貢士任訓導皆解州人

義 見風俗通路史

太平寰宇記廢城塘縣在州西北一百一十里隨末縣令
義士暄置有城塘以為名大業九年廢

宜 見姓苑路史

左昭二十一年傳公懼使侍人呂司馬之侍人宜僚飲之酒
而使告司馬司馬歎曰必多僚也杜注司馬謂芻費遂

漢百官表有廷尉宜呂

氏姓謹元宜桂可號可山湘潭人博通經史弟子受業者
百數名在劉須溪趙青山之間

陝西志明正德間英山知縣宜秉鄜州人宜順亦鄜州人
正德舉人宜訓守孟廷芻州人以恩貢授我晉令時南山
多水患訓選山引水蓄洩有法灌溉民田數萬頃民胥賴
之遷東昌府判尤多善政報最晉永寧知州因母老告歸
縉紳錄甘肅慶陽府正寧縣訓導宜述古商州人歲貢
宜春氏見前漢書王訢傳諸書無此姓今補

儀 見氏族畧路史

世本尚時有儀狄作酒宋哀注儀狄禹臣

左宣九年傳靈公與孔宣儀行父通于夏姬皆哀其袒服以戲于朝

昭六年傳徐儀楚聘于楚楚子執之逃歸懼其叛也使遂洩儀徐按說文作郟楚

集仙傳周時吳人張善勳之友人儀堅成

漢書馬援傳西河儀長孺善相馬

廣漢太守沈子瑤繇竹江堰碑都水掾儀尹

北齊在孫寺造像記碑有邑子儀畧

文苑英粵唐儀崇哲有對情農判

氏族畧宋有儀相儀大初修成郎僉判連州

金史章宗崩衛紹王即位太醫副使儀師顏狀診得范氏胎氣有損

明史禮部尚書儀智字居真高密人遇事務別是非不少附會子

銘字子新天性孝友少學于吳訥仕至兵部尚書子海錦衣衛

百戶季子泰舉于鄉爲孔科給事中

氏姓誼儀象濮州人宣德間寧波府經歷儀表太平人宣

德舉人儀銳字宗敏任質好義取舍不苟拾遺金還之儀

鳳楨太平人成化舉人儀泰景泰初任陝西判官升本州同知卒官民思之按此又一儀泰也

皮

見風俗通世族証姓証

國策趙有皮相國或謂皮相國曰以趙之弱而據之建信君涉孟之讎然者何也以從烏有功也

後漢書元初元年先零羌敗涼州刺史皮揚于狄道按袁記作皮陽

東觀記太醫皮巡從獵上林還宿殿門下寒疝病發鄧訓烏噓其背遂愈

儒林傳皮容琅邪人烏諫議大夫按滿昌傳齊詩于皮容氏族畧引作皮完誤

文章志皮仲固上計掾撰秦嘉集序

鮑永傳秦豐別帥皮常稱將軍

萼陽國志成陽皮成妻謝姬夫亡吞藥而死

晉書尚書郎皮湛襄陽太守皮初按初劉弘所表用

王僧孺百家証苟昭娶下邳皮仁之女

晉書羅尚卒于巴丘詔以長沙太守下邳皮素代之素至巴郡羅宇使人殺之按素字泰混

後魏書皮豹子漁陽人少有成畧與古弼平仇池楊難當
為征東大將軍子喜以侍御從長孫觀討吐谷渾拾寅後
官豫州刺史以飲酒廢事決杖字承宗襲淮南公壽按豹
子助封敕文冠青州輔國將軍焦度刺豹子墮地獲其鎧
稍裝具

魏書征西將軍皮歡喜等三將軍率眾萬擊楊文宏

北齊書皮景和琅邪人父慶賓魏淮南王開府中兵參軍
景和善騎射射野豕一矢獲之齊神武賞異後官尚衛大
將軍除中領軍開國公

唐藝文志皮元著春秋意十五卷

唐書襄陽皮日休字襲美為蘇州刺史生光業字文通仕

越州刺史撰皮氏見聞錄十卷光業生元帥府通判官文

燦文燦生良佐按陸游老學菴筆記云該聞錄言皮日休

陷黃巢為翰林學士巢敗被誅今唐書取其事而尹師魯

作大理寺丞皮子良墓誌稱曾祖日休避廣明之難徙籍

會稽依錢氏官太常博士贈刑部尚書祖光業為吳越丞

相父璨為元帥府判官三世皆以文雄江東據此該聞錄

之說誤矣

兒 見廣韻韻証路史按弁齊韻兒字不同

戰國策秦將兒良按史記索隱引春秋曰王廖貴先兒良
貴後二人皆天下之豪士呂氏春秋兒良貴後注良作兵
謀貴後

史記游俠傳臨淮兒長卿為俠遂遂有退讓君子之風
漢書劉聖公傳更始時齊國兒萌弟明為赤眉執將食之萌
乞以身代按論衡作琅邪皮子明兄為飢人所食自縛叩
頭願代兄為食餓人美其義兩舍不食兄死收養其孤歲
敗穀盡不能兩活餓殺其子活兄之子與漢書互異

司隸校尉魯峻碑陰有門生任城兒雄字大平

蜀志許靖傳靖奔曹公書云濟南海阜領守兒孝惠相見
水經注城內有臨睢長左馮翊王君碑縣人郎中兒定興
等共立石表政以刊遺績

十六國春秋赫連勃勃鎮東將軍兒真之

梁始興忠武王碑陰有吏兒靈智

魏書司空高平公兒烏于屯潼關按此係賀兒氏所改

離 見風俗通

莊子黃帝游赤水遺其子珠使離朱索之不得按離朱即

離婁也列子江浦有姦名曰焦冥離朱子羽方畫拭背揚眉而望之弗見其形是子羽爲離朱之名字也

穆天子傳王巡行離商執戎爲右

琴操子安之者期門離須之所作也期門離須兄弟三人長兄從軍三年不歸離須坐事被刑小弟曰聞兄在林犁欲往從之離須止之將遠往輸屬其主人曰慎爲我勿遣卒夜亡去離須還求之不得援琴而鼓之

風俗通漢有中庶子離常

神仙傳王子韋宸之同年友曰太陽子姓離名明南楚人

善爲五行之道雖鬢髮斑白而肌膚豐盛面目光粲三百餘歲猶自不改好酒著七寶樹之術

北燕錄太平元年高雲爲幸臣離班桃仁所殺按統誼以爲漢人訛

齋 見姓誼字與離通

離婁氏按即離婁氏

抱朴子彭祖之弟子離婁公神仙傳離婁公服竹汁得仙

按一作離婁

驪 見姓氏考略史

晉語獻公伐驪戎獲驪姬按穀梁謂滅虢所得非也若莊
子齊物論及道藏唐法師成亨英疏云驪戎國艾地守封
疆人之女也說苑雜言云驪氏齊物論云麗之姬

訾
見風俗通姓苑

左傳士匄與蘇大夫爭田久而無成訪于訾祐乃益蘇田
而與之和羊舌肸以訾祐實直而博直能端辯之博能上
下比之按國語訾祐死范宣子謂獻子曰鞅乎昔者吾有
訾祐也吾朝夕顧焉以相晉國且為吾家今吾觀女也專
則不能謀則無與將若之何

風俗通漢有樓虛侯訾順按漢書樓虛侯訾順元帝功臣
捕得反者樊並封侯

董卓傳射聲校尉沮偽為李傕殺其督戰訾寶負沮偽尸
瘞之按袁宏紀作訾置

唐書李隨遣將奕將訾嗣賢濟河殺祿山所署博平太守
馬冀

唐書曹州人訾亮與弟信為中官楊復恭養子冒其姓更
名守亮守信

唐書賊成元衡者訾嘉珍呂元膺為京兆尹擒之李師道

所使也鹽鐵使王播又得嘉珍所藏方材五千並斷建陵
戰四十七

氏族畧宋有訾虎任麟州知州元豐八年夏入寇麟州虎
敗之

辯證滑州訾民簡生行行生隼隼生諶字信道宣和三年
進士又內殿崇班訾贊死于好水川之敗

金史訾亘嘗師丹陽馬鈺長春丘處機自號守真子稱訾
仙翁

元史世祖紀遣訾郊招諭鄂城又遣道士訾洞春代祀東

海廣德王廟元史訾汝道德州齊河人父興卒居喪以孝聞

按山東志元訾汝道齊河人事母孝母屏人授以金珠曰汝

善藏無令他兒見汝道泣不受悉以美田廬讓弟撫孤如

已子以粟貸人焚券

山東志訾宣諸城人正統中任光祿署丞按王弇州集作宜

氏姓誼訾玉馬邑人成化舉人訾綬山西人弘治進士

縉紳錄嘉慶時訾連直隸人任蘇州營千總

訾倅氏見王符潛夫論

訾陬氏見姓誼

荒史堯立爲天子因訾姬腹于市

卑 見風俗通劉知幾史通路史

風俗通漢有北平太守卑躬議郎卑整按蔡邕集胡太傳
掾雁門卑整即應劭所言之議郎卑整整北平雁門人後漢
書皇后紀熹平四年小黄門趙祐議郎卑整上言曰春秋之義
母以子貴今冲帝母虞人質帝母陳夫人皆育聖皇宜有
稱號云云即其人也

水經注橋柱銘有道橋掾成臯卑國按碑立于漢陽嘉四年
集古印証有卑戎

魏志張邵嘗薦同鄉卑謏經明行修太祖擢爲博士是卑
謏河間鄭人也

魏志司馬懿征公孫淵公孫淵遣將軍卑衍楊祚等步騎
數萬拒之爲懿所破

前燕錄慕容皝遣軍諮祭酒封奕攻卑木堤于白狼
東魏義橋石像碑有卑顯業

聞見志卑顯不知何許人真宗朝爲翰林待詔工畫馬有
韓幹之風而筆力健動有按御馬圖伯樂相馬秣馬渲馬
等圖

氏姓誼卑銘樂城人正統中南陽縣主簿卑必升蒲圻人
海門縣丞在萬曆時

卑徐氏見路史

卑梁氏此姓諸書無今補

按史記楚平王以其邊邑鍾離與吳邊邑卑梁氏俱蠶兩
女子爭桑相攻乃大怒至于兩國舉兵相伐

禪

見姓苑

左襄二十八年傳鄭禪謀曰今茲周王及楚子皆將死歲
害烏帑周楚惡之二十九年傳鄭大夫盟于伯有氏禪謀

曰是盟也其與幾何天禍鄭國其必使子產息之昭九年傳
陳災禪竈曰五年陳將復封封五十二年而遂亡昭十年
傳有星出婺女禪竈言于子產曰七月戊子晉君將死襄三
十一年傳禪謀能謀謀于野則獲謀于邑則否鄭國將有
諸侯之事子產乃與禪謀乘以適野使謀可否而告馮簡
子使斷之

昭十七年禪竈言于子產曰宋衛陳鄭將同日火
若我用瑾瑜玉瓚鄭必不火子產弗與魏
志有禪湛張邵所薦按亦作

卑謹

晉書宣城內史桓彝有長史裨惠蘓峻之亂惠與彝謀拒之
惠以郡兵寡弱山民易擾宜且案兵以待之彝不從惠又
勸彝宜且通使以紓交至之禍

評見辯證路史

邠見姓苑

庫見姓苑

施見世本潛夫論

姓纂魯惠公之子尾字施父生施伯伯孫項叔生孝叔孝

叔孫之子之常字子恒為孔子弟子裔孫漢博士施讐字

長卿從田王孫受易見儒林傳

家語孔子父叔梁紇娶魯之施氏多女而無子

神仙傳魯人施之常得仙自號施存按即孔子弟子也

列子魯施氏有二子一好學一好兵好學者以術干齊侯

齊侯納之為諸公子之傅好兵者以法干楚王楚王說之

以為軍政祿富其家壽榮其親施氏之鄰人孟氏有二子

取業亦同而窮于貧羨施氏之有因請進趨之方

漢律麻志施延字君子蘄縣人順帝時由大鴻臚為太尉

按東觀記以選舉貪污策免魏文帝甄表狀云延清公潔白進士許國臨難不顧名著漢朝

謝承後漢書施陽字季儒豫章人以德行聞漢末爲舒令之任經江夏被劫後車有五千錢陽以錢追與盜盜愧還所掠不受以付亭長按亦見豫章烈士傳

吳志施然施績爲將軍按續接神記績爲尋陽督能言論有門生亦有理意嘗乘無鬼論忽有黑衣白裕來言及鬼容詞屈曰僕便是鬼何以言無使來取君門生酸苦求之鬼問有似君者否門生曰施績都督與僕相似鬼許之俄而

督亡又按施績本朱然之子然本施氏朱治以爲子魏人本其所自出之姓稱之吳又有無難督施寬

唐書大麻時施士丐以詩士丐吳人兼善左氏春秋以二經教授由四門教授爲博士秩滿當去諸生封疏乞留凡十九年卒官士丐撰春秋傳未甚傳後文宗喜經術宰相李石因言士丐春秋可讀帝曰朕見久矣穿鑿之學徒多異同

唐菽文志施肩吾辨疑論一卷肩吾睦州人元和進士第

隱洪州西山

施屠氏見英賢傳

英賢傳前漢周勃擊燕得盧綰御史大夫施屠渾都按史
記周勃傳徐廣云渾都在上谷索隱云施名也屠滅之也一
云御史大夫姓施屠名渾都而漢書顏師古注姓施屠名
渾都渾音胡昆反從姓說爲是

姓韻卷八

四支

斯 見世本注

荀子祭敬于斯觀

秦紀尉斯離與三晉燕伐齊索隱云尉秦官

吳志賀齊傳齊為郡吏守鄆長縣吏斯從輕俠為奸齊斬

之

會稽典錄朱育對濮陽興云吳寧斯敦代父死罪按斯敦

東陽人吳赤烏時父偉為廷尉失儀當死敦乞代吳王嘉

其孝赦偉仍表其閭

魏書穆亮傳階陵比谷羌斯卑等寇仇池屯于陽遐嶺

氏族畧宋斯澤紹定四年以朝散郎知南康軍

氏姓謚斯干垣曲人洪武中任長沙府通判斯泰鳳陽人

正統間為贛州衛指揮斯正東陽人嘉靖中舉人任知縣

斯言貫贛州人萬厯癸酉舉人

四川志斯美西充人號鹿崖嘉靖中貢生在大學日上書請修紀信廟並卹其子孫制可出知郴州

縉紳錄斯堂山陰人嘉慶時官安平縣典史又嘉慶時有宛平斯備任合肥縣典史斯芳山陰人任福建同安縣巡檢

斯引氏見魏書

西秦錄乞伏述延立以斯引烏塗為左輔將軍

彌 見氏族畧路史

左定六年傳陽虎使季孟自南門入出自東門衛侯怒使

彌子瑕追之按彌子瑕世族誼云即彭封彌子

左哀十七年傳彌庸見姑蔑之旗曰吾父之旗也按世族

誼以為孤彌庸而左氏云王孫彌庸

史記酷吏傳東郡彌僕銘項

氏族畧彌冲祥符登第彌遜徽宗時知冀州捐金帛致勇士擊斬金人游騎甚眾兀朮北還戒眾毋犯其境彌大河東宣撫使以請分兵為腹背攻劫之圖故有是命張師正敗績于河東大誅之

金淳化縣重脩岱嶽廟碑有典史彌宣

氏姓謚彌堅洪熙間刑科給事中

渭南縣志仕東北里王邦固妻彌氏守節

彌牟氏見姓苑氏族畧

彌氏見姓纂

晉書彌姐婆觸爲後秦冠威將軍姚萇屢爲苻登所敗人懷去就惟婆觸守忠不貳按鄧名世作冠軍將軍非也林

寶觸作獨尤誤

晉書姚興輔國將軍彌姐亭地率種人南居陰密爲安定人胡儼殺按後秦錄遼東侯彌姐亭地率其部人南居陰

密劫掠百姓廣平公彌收亭地送之殺其眾七百餘人又

按後秦錄輔國將軍彌姐高地以運糧稽留爲齊公崇所

殺是亭地高地係二人也夏錄赫連勃勃攻彌姐豪地于

我羅城當別是一人又一作要地者非作亭立亦訛

後秦錄姚泓立節將軍彌姐成爲安定人胡儼所殺林寶

成作威非是

西秦錄乞伏熾盤遣秦州刺史王松壽等討南羌彌姐康

薄于赤水降之

後魏書都督彌姐元進夏州酋望也陰謀應侯莫陳悅宇

文泰知之與帳下都督蔡祐謀執之祐勸殺之誘入斬首
按周太祖文帝本紀有都督彌姐元進即後魏之都督元
進也

周聖母寺四面像碑有邑子彌姐貴慶

唐書右領軍延州刺史彌姐長通

馳
見姓苑

按西京雜記有馳象言漢之秋胡非陳之秋胡事

一統志馳九垓仁壽人弘治中官銅仁推官讞鞫多所平

反值洞苗倡亂入巢撫諭之卒寢其變歲飢請賑不待報而

發曰寧我無官不忍民無食按亦見四川志

鴟

鴟夷氏見潛夫論風俗通

史記范蠡變易姓名適齊為鴟夷子皮韓子曰鴟夷子皮

事田成子成子去齊之燕子皮從之蓋范蠡也說苑鴟夷

子皮齊人劉向別錄田成子與宰我爭宰我夜伏卒將以

攻田成子令于卒中曰不見旌節毋起鴟夷子皮聞之以

告田成子成子因為旌節以起宰我之卒以攻之遂殘宰

我

池 見風俗通

風俗通漢有中牟令池瑗按瑗一作瓊風俗通宋有池仲魚城門失火仲魚燒死故諺云城門失火殃及池魚說苑池仲魚宋城門尉蔡邕陳留東昏庫上里社碑云秦時池子弩為丞相按池子弩陳留人也

氏族畧池鄂侯官人治平二年進士池光庭長谿人端平進士高州文學池夢鯉咸淳甲戌科狀元池待聘平陽人嘉定間知宜州明史五行類有池本鯉禽遁大全四卷禽星易見四卷

氏姓謚池皓徐州人成化中任香山縣知縣池鱗汾州人正德中鉅鹿訓導又正德進士池龍源鹿人池浴德泉州同安人嘉靖乙丑進士官都御史

四川志池譽仁壽舉人康熙時為沔縣訓導甘肅志池明進山西人康熙三十五年官固原參將縉紳錄嘉慶時池文芳綦江人任嘉興府司獄池學賅漢陽舉人任咸陽縣訓導池為泮甘肅肅州人恩貢任山東益都縣知縣

睦 見姓纂

儒林傳眭弘字孟魯國蕃人少游俠鬥雞走狗長乃變節
從嬴公受春秋以明經爲議郎至符節令

魏志眭固字白兔殺楊醜以應袁紹曹操破之於射犬城
按獻帝春秋袁紹將眭元進或謂即眭固非也

通典大鴻臚眭生說諸侯踰年即位乃奔天子喪春秋之
義未踰年君死不成以人君礼言王者未加其礼故諸侯
亦不得供其礼于王者相報也按漢注丹爲大鴻臚古眭
注字通

晉書主書司馬眭秘以身蔽趙王倫箭中其背而死又慕
容寶有眭邃字懷道義安人段氏自殺羣臣皆以爲不宜
成喪邃揚言于朝以爲子無廢母之義乃成喪邁子也後
爲高陽太守中書令

後魏書眭夸一名昶高邑人祖邁晉東海王越軍謀掾後
沒石勒爲徐州刺史夸耽書傳未嘗以世務經心與崔浩
爲莫逆交嘗著知命論浩爲司徒奏徵夸爲其中郎辭疾
不起

後魏書翟遼遣司馬眭瓊詣燕謝罪坐以其數反復斬瓊
以絕之

後趙錄石勒具礼樂朝羣后常侍眭洪執义不彈下理官
唐書考功郎中眭希文

氏姓謚眭友直景泰丙寅歲貢授漢陽主簿升建昌知事
眭紘丹陽人正德辛巳進士眭燬丹徒人嘉靖巳丑進士
眭明才成都資陽縣人嘉靖丁未進士眭續亦資陽人萬
厯元年癸酉科舉人

通州志眭時敬丹陽人天啟中任泰興縣訓導

鎮江府志眭潛字叔度能詩少爲府吏奴受人布三疋潛
覺馘其耳令特還之蹇忠定義汰天下冗員至鎮江潛以

詩謁甚見賞敬補潛宗人府提控案牘擢藩府審理

丹陽志眭思永字脩年用力于格致之功詔修三孔大學
士張廷玉鄂爾泰薦之詔纂修書成敘優等生平好古潛
心理學所著有三孔輯義四十九卷尚書參義六卷春秋
參義慎攷公穀彙義三十八卷孝經本義一卷爾雅參義
六卷詩易述蘊各四卷家語正義十卷孔叢訂義五卷行
世又周易通攷三孔通考古今喪服攷大戴孔刪翼等書
藏于家

丹陽志眭明徽字君辯任應天府守備流賊李自成陷北

京城破死之又睦石字金卿萬麻辛丑進士改庶常授檢討工古文詞操筆數千言立就時宮中有郭貴人者其母睦也以甥舅凡請通石不許曰六世而祖免吾家去趙州越六世矣何能序昭穆耶貴人尋卒詔究所賜寶履親屬有波累者人皆服其先見有東蓀集行世又睦純任延平府檢校睦澤灝以子宏儒封昭信校尉睦楚寶任海寧縣丞睦鵬程字省修甘肅試用縣丞

危

見潛夫論姓苑路史

五代史南唐撫州南城人危全諷據郡為節度使使其弟

仔昌為信州刺史仔昌失郡奔錢鏐鏐惡其姓改曰元氏其族在臨川仔昌子德昭居家孝友事吳越掌文翰機務累至丞相

宋濂集危素傳晉永嘉中建州刺史京遷建昌之南城唐黃巢之亂全諷與其弟子昌赤手起兵禽巢黨柳彥章于象牙潭擢撫州刺史累官金紫光祿大夫檢校太傅封南康郡王南康之後復遷撫之金雞白馬鄉謚圖亾竟逸其名南康十五世孫宋景定三年進士通直郎知臨江府仁和縣事元累贈中奉大夫浙江等處行中書省參知政事

護軍追封汝南郡公安震公之曾大父也累贈資善大夫河南等處行中書省左丞上護軍追封臨川郡公龍友公之大父也累贈榮祿大夫江西等處行中書省平章政事柱國追封豫國公永吉公之父也

按濂題危雲林訓子詩後素冢子名方字於憶以明經擢進士第自檢討奉常遷佐薊州公作四言詩訓之

氏族畧臨川有秘書郎危傳邵或有秘書丞危序著作佐郎危雍危扶

氏姓謹宋危拱辰字輝邦南城人性純孝十四五代父為

吏題初月詩淳化間登進士累官至光祿卿危祐字夢弼南城人天禧間進士知邵州使者有所求祐執笏曰某不敢

擾民以固位子固以善詩鳴危昂霄字次房光澤人性樂

林泉好詩詞危昭德邵武人寶祐進士為崇政殿說書子

徹孫咸淳元年進士危翁一光澤人家貧業樵聞欽徽二

帝北狩哭三日骨立而死危植字逢吉臨川人舉進士洪

邁得其文賞激擢第歷官屯田員外植性孝父病願損已

壽益親年父果愈真德秀嘗舉代已危和字祥仲植弟也

開禧元年進士為上元主簿有惠政著蟾塘文集

姓氏考元有危復之字見心撫州人好讀易工詩宋末爲
太學生師事湯漢元初累薦不起隱紫霞山危貞昉字孟
陽台州臨海諸生父孝先洪或辛亥進士官陵川縣丞生
法輪作江浦貞昉上疏請代以勞卒危瓛江西金谿縣人
洪或乙丑進士危嶽黔陽縣人嘉靖己丑進士危行字世
隆邵成人弘治進士授樂安令一介不取蔬食敝衣淡如
也擢御史

脂

見姓苑

魚豢魏畧中散大夫京兆脂習字元叔與孔融善每戒融

剛直太過必罹世患及融死習收其屍按亦見孔融傳元
叔一作元升訛

夷

見左杜注

世本黃帝臣夷牟作矢按一作牟夷

列子終髮之北有溟海天池有魚曰鯤廣數千里有鳥爲
鵬翼若坐天之雲大禹行而見之伯夸知而名之夸堅聞
而志之

論語周有逸民夷逸

韓子齊中大夫夷射御飲于王醉出倚卽門門者請賜飲

叱去之乃捐水門雷下王出問之則以為夷射溺王怒殺夷射此按與左傳定二年記邾大夫夷射姑之事同疑一事而誤為齊也

越絕書西子姓夷名光

孟子有墨者夷之

莊子則陽游于楚夷節言之于王注夷節楚臣也

後漢書趙孝傳賊有夷長公哀琅邪魏譚之將見烹密解其縛使之急去注夷姓也

吳志賊帥夷虜乃張津故將見薛綜傳

甘肅志明正德中任福州衛指揮夷福靜寧人

維氏此姓諸書無今補

趙第齊閔王將之魯夷維子執策而從謂魯人曰子將何以待吾君魯人曰吾將以十太牢待子之君夷維子曰子安取凡而來待吾君彼吾君者天子也天子巡狩請候避舍納莞鍵攝衽把几視膳于堂下天子已食而聽退朝也魯人投其籥不果納

夷鼓氏見英賢錄

英賢錄國語秦有夷鼓思宜按今本國語無此文

陽氏見姓誼

左成十七年傳郤錡奪夷陽五田五亦嬖于厲公與胥童
長魚矯殺三郤按國語使胥之昧夷陽午刺郤至苦成叔
及郤錡注胥之昧胥童也及夷陽午皆厲公嬖臣按人表
作夷羊五

夷 門氏見姓纂路史

吾氏見氏族畧

師 見風俗通

列仙傳師門能使火食桃李范為夏孔甲龍師孔甲殺而

理之外野一旦風雨迎之

按拾遺記紂樂工師延博古圖周有師設師餘師淮父師

彊左傳魯有師乙師摯師冕師已師襄師亥師金衛有師

涓師曹宋有師茂師慧晉有師服師曠鄭有師叔師哩師

觸師蠲楚有師縉

左桓公三年傳初晉穆侯之夫人姜氏以條之役生太子
命之名仇其弟以千畝之戰生命之曰成師師服曰異哉
君之名子也注晉大夫

說苑魏有師經以琴撞文侯

史記師史轉穀百數致富至七千萬

漢書師丹字公仲東成人議論深博官大司空

菽文志雅琴師氏八篇名中東海人傳言師曠後

三輔決錄靈帝時沛相師遷誣罔國王下獄死注國王陳

愍王寵也按東觀記陳行相師遷奏沛相魏愔前爲陳相

時與王寵交通茲作沛相誤

楊震碑陰有山陽師子則

百官表光祿大夫潁川師臨子威爲水衡都尉

神仙傳晉相者師圭謂陶侃曰君左中指有豎理當爲公

更徹上貴可言

齋諧記晉太元元年江夏郡安陸縣師道宣年二十二少

未了了後忽發狂變爲虎食人不可紀經年後爲人出仕

官爲殿中令史夜與人共道變恠事道自言變虎食人事

同坐人有父兄子弟遭害者共號哭捉送官饑死建康獄

中

魏志司馬昭以鍾會爲鎮西將軍伐蜀鄧艾以蜀未有覺

屢陳異議昭使主簿師纂爲艾司馬以諭之艾乃受命後

艾以纂領益州刺史

石勒傳荏平令師歡上黑免于勒以爲水德之祥

隨經籍志劉宋時師覺授涅陽人作孝子傳南郡處士也

按宋孝義傳云覺授與外兄少文並有素業以琴書自娛

于路忽見一人持書一函題曰至孝師君苦前忽尔不見

捨車奔歸聞家哭聲一慟而絕良久乃蘇

氏族畧宋師頽字霄遠內黃人與兄頽篤學齊名五代末

官著作佐郎按一作爲翰林學士

四川志師頽字作顏師庚師先並眉州人建隆登科

山東志明師達字九達東阿人少孤事母孝年十三母疾

思藤花菜遠出城南二十餘里求得之以國子生擢監察

御史有德量爲時所重

陝西志師夔師臯均弘治進士陝西韓城人

^師尹氏見風俗通

^師延氏見世本

世本宋有師延世掌樂職後有宋大夫師延宜

拾遺記師延者殷之樂工也精述陰陽曉明象緯至夏末

把樂器以奔殷紂淫于聲色乃拘師延于陰宮之內欲極

刑戮師延乃奏迷魂淫魄之曲以觀修夜之娛周成王與

師乃越濮流而逝按世本所云師延世掌樂職即此人也
師 邢氏見春秋釋例

左襄二十四年傳舒鳩人叛楚楚子師于荒浦使沈尹壽
弄師邢犁讓之

英賢傳漢有郎中師邢蕃

師 春氏此姓諸書無今補

列女傳魯師春姜師氏之母也按晉書太康元年汲郡人
掘魏安釐王冢得竹書內有師春一篇師春為造書者姓
是魯有此姓矣

師 宜氏見廣韻

衛恒四體書序漢靈帝好書時多能書者而師宜官為最
每書輒削而焚其耐梁鵠乃益為版而飲之酒俟其醉而
竊其耐鵠卒以書至選部尚書宜官後為袁術將今鉅鹿
宋子有取球碑是術所立其書甚工云是宜官書也按師
宜官南陽人法書要錄袁術將鉅鹿耿球碑術所立宜官
書也書如鵬翅未息翩翩自逝

師 見氏族畧

桓譚新論師翁長安善相馬者于邊郡求得駿馬駢以入

市去來人不見也後勞問之因請觀馬翁曰請卿無目不足示也按今刊本作薛翁

氏族畧宋有節君輔官治中節成之政和進士節光承議郎嘉熙中任通判臨江軍事

資 見陳留風俗傳姓纂

漢繁長張禪等題名碑有夸侯資偉山又白虎夸王資偉氏族畧後周資成陳留人

統謚資願萊陽人嘉靖舉人任知縣

四川志國朝合江縣貢生資善喻塾江縣歲貢資孔福

縉紳錄道光初資鎮銜任直隸順德府沙河縣知縣資希

湖南耒陽人拔貢

飢 見潛夫論廣韻

皇甫規傳沈氏大豪飢恬

西羌傳當前煎種豪飢五等以馬賢兵在張掖乘虛寇金城

茨 見姓苑茨疾資切

東觀漢記南陽宛人茨充字子河建成時代衛颯為桂陽太守教民種植桑柘麻苧養蠶織履民得利益又云茨充初舉孝廉之京師同侶馬死充到前亭持馬相迎鄉里號

曰一馬兩車茨子河按廣韻作茨光誤

茨茫氏見姓苑

姓苑晉有茨茫仲

遲見姓誼

商書遲任古賢人

王莽傳平原女子遲昭平能說經博以八投聚數千人在

河阻中

晉書湘東太守遲昭集韻引作遲超

唐書百濟盡平惟別帥遲受信據任存城不下後奔高麗

氏姓誼遲適福山人永樂中太僕寺丞遲良當塗人永樂

貢士任山東都司經歷遲讓上元人永樂舉人遲鳳翔臨

朐人嘉靖甲戌進士歷官兵部左侍郎遲問仁雲南人萬

厯間任婺川知縣遲鳳祥或進進士嘉靖間官洮岷兵備

道遲大成萊陽人天啟乙丑進士崇正間任廣西巡按御

史遲鑛萊陽人崇正丁丑進士

縉紳錄雲南鎮江府河陽縣訓導遲瓚雲南人歲貢

尸見風俗通

拾遺記尸羅朝周穆王左耳出青龍右耳出白虎

漢書呂強傳注尸子晉人也名佼秦相衛鞅客也鞅謀計未嘗不與佼規也商君被刑恐并誅乃亡逃入蜀作書二十篇十九篇陳道德仁義之紀一篇言九州險阻水泉所起也

左傳齊有尸臣晉有尸侯

西域傳車師後王須置離之左將尸泥支與右將股鞅謀欲亡

陝西志尸聰膚施人永樂癸卯舉人任雲南府推官

湖廣志尸帛茶陵人永樂舉人

尸逐氏見英賢傳

羅氏見唐書此姓諸書無今補

唐書中天竺王尸羅逸多兵最疆四天竺皆臣之

伊 見帝王世紀皇甫謐帝王世紀

帝王世紀堯初生時其母在三河之南寄于伊長孺之家

四明山記堯時有老人伊獻

太平御覽引古文瑣語曰齊景公伐宋至曲陵夢見有短

丈夫賓于前晏子曰君所夢者何如哉公曰其賓者甚短

大上下小其言甚怒好悅晏子曰如是則伊尹也伊尹甚

大上小下赤面而髯其言好悅而下聲公曰是矣晏子曰
是怒君師不如違之遂不果伐宋按此言赤色而髯與荀
子言伊尹面無須眉者不同
水經注百蟲將軍顯靈碑云將軍姓伊氏諱益字墮斨帝
高陽之第二子伯益也

漢書儒林傳議郎伊推爲公羊學

漢書御史中丞伊嘉石顯黨

王莽傳封伊予爲褒衡子奉伊尹後

大事記漢哀帝元壽元年月底使者伊存口授弟子秦景

佛圖經

蜀志伊籍字機伯山陽人官昭文將軍

後魏書伊敷勇健走及奔馬善射拽牛倒行仕魏爲侍郎

按敷一作馭嘗贊太甚伐涼不信李順無水草之說

隨志尚書義疏四卷晉樂安王友伊說纂唐菽文志伊說
撰尚書釋疑五卷

玉堂閒話伊用昌不知何許人其妻甚少有殊色音律女
工之事曲盡其妙夫能飲多狂時人呼爲伊風子多游江
左愛作望江南詞天祐癸酉年夫婦至撫州南城縣食牛

肉一二十筋俱脹死後江西鎮將丁姓于北市棚下見之
共上酒樓飲大醉索筆題酒樓壁高唱出城渡江至滄帷
觀題真君殿後其銜云定億萬兆恒沙軍國主南方赤龍
神王伊用昌

唐書伊慎字寡悔兗州人通春秋戰國策天官五行書善
用射補折衝都尉嗣曹王皋拔為大將貞元末為奉義節
度拜檢校右僕射兼右衛上將軍

題名錄伊敏生上元縣人嘉靖壬辰進士

伊祁氏見帝王世系

後魏書懷州民伊祁苟自稱堯後應王聚眾于重山作亂
洛州刺史馮熙討滅之按苟一作首

杜陽雜編唐有處士伊祁子解纈髮童顏氣息香潔常乘
一黃牝馬纜高三尺不啗芻粟但飲醇酎不施韁勒惟以
青羶籍其背常游青兗間與人欵曲語千百年事皆如目

擊

伊耆氏見周礼秋官注

春秋命麻序云神農氏姓伊耆名軌一曰石年

伊婁氏見官氏志姓纂

周書叱羅協傳遣儀同伊婁訓等將步騎千餘人夜渡涪水擊趙雄傑

周書伊婁謙字彥恭本鮮卑人其先世爲酋長隨魏南遷祖信中部太守父靈相隆二州刺史謙性忠直善詞令仕杜周持節驃騎大將軍入隨爲亳州總管澤州刺史清約自處甚得人和子傑嗣公壽

周書伊婁穆字奴干代人父靈善騎射爲周文所知歷衛將軍隆州刺史穆弱冠爲周文帳內親信以機辯見知歷中書舍人通直散騎常侍

魏書遣并州刺史伊婁拔助奚斤攻虎牢

魏孝文帝比干墓文碑陰有宰官令臣河南郡伊婁願

隨書以上開府伊婁彥恭爲右丞候上大將軍

唐書李萬榮疾其子廼爲兵馬使集諸將責伊婁說張丕等不憂軍事斥之外縣按舊書說作況斥外鎮又殺之

伊 秩氏見匈奴傳

荀悅漢紀元壽二年匈奴烏孫留珠單于烏孫大昆彌伊

秩靡來朝伊秩靡即公主之外孫也

伊 力氏此姓諸書無今補

南涼錄傳檀前軍將軍伊力延俟勸禿髮傳檀坑叛者王
鍾等五千人又傳檀衛尉伊力延曰彼步我騎勢不相及
今倍道而歸則示弱且捐棄資財非計也不用護軍孟愷
將軍屈右之言爲蒙遜所敗

耆見辯證路史

高僧傳耆域天竺人以晉惠之末至于洛陽見宮殿云仿
佛似忉利天宮按集仙傳耆域天竺人周流警戎安定尹思
從之精學分野思欲從游海外域曰張少傅忠貞淵博惜
將遭族滅子姑寓此未可使之斬後西方帶來隱真烏羽

一枝留寄子處俟危急可用城南至襄陽欲附載過江舟子
見服異面陋輕而卻之船未達南岸耆師已浮渡南行舟
人方驚恠岸上有兩虎咆哮奔至域手摩其頭弭耳而去
更以爲神咸上岸追問域走入大樹中借木遁至襄陽歷
新都東渡洞庭登建昌抵豫章投北游行訪道域以董奉
仁慈深相契合邀游諸名山至峨眉太乙留飯知其功行
已深欲聘奉爲仙醫大盈時蘇耽焉澄虛真人在峨眉山
主持醫監太乙念其獨任勤勞倩域諷問奉慨允域自回

天竺

芟 見廣韻引字書字一作芟

遺 見姓源韻誼

急就篇魯季氏家臣南遺之後有遺失餘

正字通漢有遺登按見集古印誼

纍 見風俗通

左僖十年傳晉殺七輿大夫纍虎注里克丕豹之黨

和氏見路史按素和也羅說訛宜刪

螺 見姓纂廣韻

麋 見吳越春秋姓纂

吳越春秋楚有翼侯魏侯麋侯號三侯善射

蜀志東海麋竺字子仲助先帝軍資官安漢將軍弟芳叛

迎孫權竺子威官虎賁中郎將威子照官虎騎監

項原列女後傳麋府君豹永興二年為吳郡太守又為義

婦呂榮作冢按吳地記伍子胥廟本在三江口臨江北岸

側有浦名上壇浦至晉會稽太守麋豹移廟于吳郭東門

內是豹又為會稽太守矣

晉書東海王越使督護麋晃將兵擊顛

晉書褚裒遣都護麋嶷進軍下邳賊即奔清嶷率所領據

其城池亦見後趙錄

姓氏考麋錯字公範政和進士為確山縣由博士使持節
與秦檜不合棄官子師且字周清登進士第知富陽縣歲旱
振救多所全活歷顯謨閣學士子溧字子長官朝議大夫
立朝正色有大臣之節子彘字伯升嘉熙進士北兵至通
州議以防江為急彘上言五事歷知安慶府有嘉穉之瑞
弟奔字仲昭開慶中知建昌軍民詞數千立剖決洞見其
情

駢 見路史

左莊公六年傳楚子伐申過鄧鄧祁侯止而享之駢甥養
甥 甥 請 殺楚子杜注皆鄧甥仕于舅氏也
僖十年傳晉殺七輿大夫駢欵按國語共粵賈粵叔堅駢
欵累虎特宮山祁皆里克丕豹之黨也

邛 見公子謚風俗通

史記晉世家大夫邛鄭按左傳作丕鄭是丕邛字相通
風俗通後漢有衛尉信都邛彤按彤字偉君先為王莽和
戎卒正降光或在雲臺二十八將中父吉為遼西太守彤
子湯嗣從封樂陵侯元初元年鄧太后詔封彤孫音為平

亭侯音卒子柴嗣見後漢書

冀州刺史王純碑陰門生有甘陵邳阿子

金京北府學教養碑有省差教授賜緋魚袋邳邦用按長
安志圖跋有谷口邳邦用是邦用爲醴泉人又元時三唐
太宗孫真人頌後有邳邦用跋是其人至元時尚存

通州志邳贊邳宣皆通州人永樂舉人

丕 見氏族畧路史

左傳晉大夫丕鄭爲惠公所斬子豹奔秦勸秦穆公勿與
晉粟按字又作丕句容志丕承文句容人嘉靖中任三河

縣訓導

怡 見索隱

華陽國志延熙中以鎮西參軍隴西怡思和爲太守江巴

二郡守軍後周怡峯傳怡峯字景阜遼西人高祖寬燕遼

西郡守魏道成時歸朝拜羽真賜爵長蛇公曾祖文冀州

刺史峯少以驍勇聞從賀拔岳討万俟醜奴後入周拜夏

州刺史沈毅有膽畧得士卒心當時號驍將卒周文嗟惜

之子昂光春昂開府儀同三司鄴國公光以峯勳賜爵安平

縣侯進龍河縣公春吏部下大夫儀同三司

陝西志怡居敬耀州人洪武初以明經爲本學訓導怡愉
涇陽人萬麻壬辰進士官兵部主事

甘肅志嘉慶時怡全隆甘肅人任寧陝鎮營千總

台
見姓苑

漢冀州刺史王純碑陰門人名有山陽台元世

時
見世本姓苑

孟子有齊大夫時子

漢倉頡廟碑有衙縣三老時勤字伯秋校官碑有門下吏
時球高陽令楊著碑陰鉅鹿時稚明

桓譚新論有時農

魏良吏傳時苗字德胄鉅鹿人爲壽春令留犢于官按獨

異志時苗爲壽春令謁治中蔣濟濟醉不見歸而刻木人

書曰酒徒蔣濟以弓矢射之牧長聞之不能制

水經注時亮南安人在唐述山藏古書五笥按秦州記時

亮窟高百丈廣二十丈深三十丈亦有泉水藏古書五卷

時亮古之孝行士也唐術亦孝行士

神仙傳晉時荷字陽道從許君學道上并有遺跡在紫蓋

府

晉書巴東守將時延祖為譙縱殺按延祖初為柳約之司馬桓振殺約之延祖收其餘眾保涪陵後為龍驤將軍

後趙錄謁者僕射時軌南涼錄時連珍四夸之豪雋

姓纂隨時德敵官登州刺史居汴州尉氏曾孫元佐潁州刺史按隨書德敵為朝散大夫以尉氏應李密

唐書夏州刺史時常春會渭北節度使李建徽合兵萬人入援按楊炎奏呂希倩無綏邊才而以神武將軍時常春代之又滑將時昂為梁全義所斬

唐左屯衛將軍姜行本紀功碑陰有前開州刺史時德衡孝子傳時惠珣陽武人按亦見唐書孝友傳序

唐書彭城人時溥據淮南又云秦帥時溥遣將張友與尚讓之眾掩捕黃巢于泰山至虎狼谷巢將林言斬巢及三弟揆鄴等

清異錄時馘為青陽丞潔已愛民肉味不給日市豆腐數个邑人呼豆腐為小宰羊

五代史許文禎敗唐兵于汴州執其將時厚卿又云唐朱元降周其裨將時厚卿不從元殺之

汪應辰文定集薦時紫芝麻學劄子云伏見左朝散郎時

紫芝問學淹貫而耽玩象數用意詳密著麻書五十卷辨析異同推究微隱多先儒所未到士人之明麻學者少見其比伏望聖慈令都堂審察如實有可取乞與一在京差遣似令與太史官議定新麻庶幾仰稱陛下欽崇天道之意金李晏時立愛墓誌銘云公父諱承諫積累巨萬發倉貸人每折其契負郭沮如常阻行路劄石為梁人得平步善慶攸鍾是生我公按金史承諫作承謙

氏族畧宋時彥字邦美開封人舉進士紹聖中遷右司員外郎遷工部尚書時丹立興化人任高郵司理仁恕愛民

秦少游挽詞有青史戴于公之句時檄字傳之崇德人知和州廉正惠愛尤長于識鑿

金史宋將時青襲破泗州

氏姓誣成化間時習為南鄭主簿時植字良材通許人以太學生任四川梁山縣主簿正德六年署縣事流賊攻城陷被執不屈死之

馬經綸傳五城御史時偕行等籍中官客用家不稱旨

縉紳錄時鈞轍太倉州嘉定人由庶吉士改主事升戶部郎中河南道監察御史乾隆十三年補授慶陽府又時功

旃山東人官知縣時銘嘉定人嘉慶時官齊河縣知縣時
洪中上元人爲直隸通判通濟庫大使

